

Хаалгын ясвр

Сарпинск района хаалгын отдел эврәннь кōдлмшән эклдж кегъад, удан болад уга. Энунд хаалгъ яслгънд нег-автогрейдер, ардан чирдг грейдертә нег „ДТ-54“ трактор кōдлджәнә. Эн ахр цагин эргид Котляров Е. гидг хаалгын техникин гардврар 16 километр газрт уурмг ясвр, 4 километр газрт капиталн ясвр, дакад Багъ-Дөрвд, Аршань-Зелмень хоорид 60 километр хаалгъ ясгдв.

Эн чинртә кōдлмшт дурн седклән огч кōдлдж йовх Черноиванов Н., Толочко А. хойр трактористир одрә норман 150

процент кургдж куцәнә.

Одгә цагт Садовое—Сталинград, Садовое—Элиста хоорндк хаалгъ яслгъна кōдлмш эклчкв. Болв хаалгын отделин заведующ ур. И. Шишканов, ст. Абганерово—Садовое хоорндк хаалгыв ясвриг кертән авсн уга. Района колхозмуд, совхозмуд, райпотребсоюз болн нань чигн организацс эн хаалгъар аца зōбнә. Бас нег дутунь—модн уган учрар тагтс кегдджәхш. Деер келгдсн тоотиг даругъас учрулхин эв-аргъ хәәх эрки керг.

РЯБЧЕНКО.

Садовое селән.